

北京圖書館 編

北京圖書館藏珍本
年譜叢刊

第 147 冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 147 冊

第一四七冊目錄

駱文忠公自訂年譜	一
馥芬居日記	二四三
吳竹如先生年譜	二九九
思補過齋主人自叙年譜	四六七
丁柘唐先生歷年紀略	六〇五

左文襄公荅毛寄耘中丞書

去歲道出襄陽辱承垂注西還後適有襄辦軍務之

命晨夕簡練不遑比師過章門卽聞宣歙失守之耗自此轉戰江皖之交屢當劇寇馳驅戎馬箋候久疏中間聞承

新命改畀雄藩且喜近接光儀得親教益嗣籲門中丞書來知復新拜撫湘之

命吾湘之習聞公名及有事東征者莫不同聲慶幸咸以爲得所芘賴也頃從滌帥處得奉惠書殷殷以籲公前事爲詢具仰大君子虛懷求治之意籲門先生之撫吾湘前後十載德政旣不勝書武節亦非所短事均有迹可按而知而其遺

愛之尤溥無如剔漕弊罷大錢兩事其靖未形之亂不動聲色而措湖湘如磐石之安可謂明治體而識政要非近世才臣所能及也湘中財賦不及江浙七郡之一自軍興以來內固疆圉外捄鄰封未嘗請大府之錢未嘗乞鄰邦之助兵無飢噪之事民無困敵之虞局外百端揣擬莫測所由孰知廉愼仁恕之德足立其本精誠專一之行足善其用也至於援鄂援黔援粵援江襄糧趨事師出有功未嘗自伐以克復袁州臨江兩郡荷花翎之

賜以京察與頭品頂帶之加皆欣躍承受如叨異數此又古大臣退讓盛節功不自功有非尋常所能倣效者宗棠以桑

梓故勉佐戎籌九載於茲形影相共惟我知公亦惟公知我
雖以此爲時相所不容爲小人所共搆未敢以此幾微變其
初度也外間論者每以顓公之才不勝其德爲疑豈知同時
所歎爲有德者故不如顓公卽稱爲有才者所成亦遠不之
逮乎公今開府吾湘滌潤兩帥均謂公才公望將有遠邁顓
公者宗棠不敢爲雷同之論但求公之志事一如顓公則吾
儕小人得庇以安而時局必大有濟其爲慶幸寧有已耶筠
仙意城均時至長沙兩君均與公雅故張弛所宜及人才長
短如蒙下問自當縷告無俟鄙人之嘵嘵也

花縣駱文忠公撫湘十載正值粵寇披猖之時吾鄉十

數君子起任討賊實賴公主持於上以搢危局而旣大功其陰德蓋在東南公之志事以左文襄此書爲最得其眞蓋周旋日久故言之親切如此文忠章疏數十巨冊已久流傳海內年譜尤爲公所手訂眞質翔實爲論世者所必取資獨未附本集以行外間亦尠傳本湘陰郭君焯瑩偶得之長沙書肆亟取付書局刊行并錄此書綴之篇首以見二公當日相成之盛爲不可及而異日攷論國是者將亦有所徵信也光緒乙未春三月長沙張祖同識

駱文忠公自訂年譜

卷上

乾隆五十八年癸丑一歲

三月十八日子時生於花縣

五十九年甲寅二歲

六十年乙卯三歲

嘉慶元年丙辰四歲

二年丁巳五歲

三年戊午六歲

是年三月出天花幾至不測後得鄭端州姻伯到省請

曾華麟先生用補藥始得保全十二月開學業師爲韶
州府仁化縣拔貢生譚守讓先生館在安寧里劉宅

四年己未七歲

五年庚申八歲

此兩年從南海戊辰科舉人謝璇軒維璣游館在安福

里口黃宅

六年辛酉九歲

七年壬戌十歲

八年癸亥十一歲

此三年從南海宿儒梁平健先生游館在深水甌梁家

祠十二月開筆爲文

九年甲子十二歲

是年從譚守讓先生游館在天官坊勞家祠

十年乙丑十三歲

是年作文成篇

十一年丙寅十四歲

此二年從南海庠生方西崑先生鉉游館在孖樓腳李

家大廳

十二年丁卯十五歲

是年從南海甲子科舉人謝晚蘭先生嘉猷游館在大

墟平心何公祠

十三年戊辰十六歲

是年從南海方西崑先生游館在花樓塘初赴歲考縣試知縣閻公府試福公學院胡西庚先生

十四年己巳十七歲

是年從南海庠生羅次蘊先生

文藻

游科考縣試閻公

府試英公院試胡西庚先生六月聘陳氏順德縣人迺興公女

十五年庚午十八歲

是年從順德庠生張唐衢先生

憲相

游館在柵下德壽

考

十六年辛未十九歲

是年未出館與羅經文兄同在花樓楊依仁堂閣上讀書搭羅次蘊先生課歲考縣試閭公府試陳公院試程學樵先生

十七年壬申二十歲

是年從南海舉人梁植初先生基聖游館在萬元里良

宰曹公祠科考縣試閭公府試楊公院試程學樵先生取進縣學第三名同進譚蛟鄧秀峯馮履泰宋涪駱昌葉嘉樹

十八年癸酉二十一歲

是年出省讀書從順德戊辰科進士前任江蘇婁縣知縣蘇韞石先生

獻琛游

十九年甲戌二十二歲

是年同何聘才何聘儒兄弟在衙前後街裕源棧房讀書十月娶陳氏

二十年乙亥二十三歲

是年何聘才何聘儒兄弟在楊依仁堂樓上讀書因病移寓區家塘基

二十一年丙子二十四歲

是年與鶴山吳裳吳次仁葉以義王唐三在省城光孝寺讀書搭蘇韞石先生課科考一等第三名六月補廩學院彭春濃先生

邦疇

二十二年丁丑二十五歲

是年在康勝街張家廳教讀歲考一等第一名學院傳

石坡先生

棠

二十三年戊寅二十六歲

是年出省從蘇韞石先生讀書館在西湖桂陽書院榜後移寓花地東園十月科考一等第四名

二十四年己卯二十七歲

是年在孖祠堂霍家祠讀書應己卯科鄉試中式第五
十八名舉人房師乙丑科進士合浦縣知縣齊春溥先
生元發正主考丁丑科修撰吳淪齋先生其濬河南人
官至巡撫副主考己巳科翰林院編修郭蘭石先生尙
先福建人官至大理寺卿八月十五夜陳氏病故余因
患病未能會試

二十五年庚辰二十八歲

是年在太上廟洗家祠教讀六月續娶鶴中張氏爲繼
室

道光元年辛巳二十九歲

是年仍在太上廟洗家祠教讀十月女報杏生十一月

請咨北上同行何崑山

潤之

任次桐

元梓

譚虹橋

應龍

潘桂生

蓉森

由東路經杭州蘇州楊州

二年壬午三十歲

是年二月到京會試未第畱京六月移寓崇文門內東

四牌樓高井廟與同年陸寸雲

沾榮

同住

三年癸未三十一歲

是年二月

臨雍到國子監觀聽四月榜發報罷偕同年陸寸雲程黻屏

貴時

辛巳科舉人陳蘭階

榮

同行由西路回粵路經樊

城洞庭漢口湘潭六月二十五日到家

四年甲申三十二歲

是年租細巷廖家廳教讀二月女報杏痘殤七月先二兄病故八月三女生

五年乙酉三十三歲

是年回花嶺鄉在大宗祠教讀四月初十日丁父憂

六年丙戌三十四歲

是年在金絲行會館教讀

七年丁亥三十五歲

是年仍在金絲行會館教讀